

D. O. D.

DISSERTATIO ACADEMICA

DE

LIBERTATE CIVILI,

QUAM

Consensu Senatus Phil. in Reg. Academ. Aboënsi,

PRÆSIDE

MAG. JOHANNE BILMARK,

Histor. & Phil. Pract. PROFESSORE Reg. & Ord.

Publice ventilandam proponit

Stipendiarius ARCKENHOLTZIANUS,

ABRAHAMUS ERICUS ARCKENHOLTZ,

Nylandus,

In Auditorio Superiori die XII Decembr.

Anni R. S. MDCCCLXXVIII,

H. A. M. C.

ABOÆ

Typis Job. Christoph. Frenckell, R. Acad. Typogr.

S:Æ. R:Æ. M:TIS.

MAXIMÆ. FIDELI. VIRO.

NOBILISSIMO. DOMINO.

JOHANNI. IGNATIO.

REGII. DICASTERII. ABOËNSIS.
PRO-PRÆSIDI.

LITTERARUM. ET. LITTERATORUM.
PATRONO.

SPECIMEN. HOC. ACADEMICUM.
SOLA. ARGUMENTI. GRAVITATE.
COMMENDABILE.

SACRUM. ESSE.

VOLUIT.

PIETAS.

ABRAH. ERIC. ARCKENHOLTZII.

V I R O

Admodum Reverendo atque Praeclarissimo,

D: NO MAG. E R I C O L E N C Q V I S T,

Ecclesiarum, quæ DEO in Orihvesi & Erejervi colliguntur,
Pastori ac Præposito meritissimo,

AVUNCULO PROPENSISSIMO,

Ut specimen pietatis meæ, si non tantum, quantum pater-
na TUA, AVUNCULE PROPENSISSIME, in me merita, me-
aque vicissim in Te veneratio postulant, tale tamen, quale
præsens rerum mearum habitus permittit, exstaret, Dissertationem
banc Academicam, studiorum meorum primitias,
TIBI, AVUNCULE DILECTISSIME, consecratam esse volui; quam
ut serena excipias fronte, meque consveto Tuo favore, ma-
jorem enim optare mibi non licet, in posterum quoque com-
plecti digneris, summa, qua par est, animi contentione oro
& obtestor. Faxit Supremum Numen, ut negotia TUA, quæ
in Patriæ & Ecclesiæ commodum semper sunt directa, nullis
iufortunii aut invidiæ tempestatibus unquam turbentur, sed
vitam degas, Teo et jam ex voto felicissimam. Sie ego ex
intimis cordis penetralibus opto, TIBI, AVUNCULE PROPEN-
SISSIME, prolixiori mentis adfectu, quam verborum syrmate,
addictissimus; ad extrellum usque vitæ meæ halitum per-
mansurus

AVUNCULI PROPENSISSIMI

Cultor humillimus

ABR. ER. ARCKENHOLTZ.

WÅLÅDLA FRUN,
FRU HEDVIG ARCKENHOLTZ,
FÖDD ROERING,
MIN HULDESTA MODER.

Wid detta glada tilfälle kan jag ej inför Allmänheten
dölja den wördnad och tacksamhet, som jag är
MIN HULDESTA MODER skyldig. Knapt hade jag
trådt fram på denna werldenes skådeplats, innan jag
måste sakna **Min K. Fader**, som skolat warit min ledsä-
gare och stöd, åtminstone wid de första steg jag tog up-
på Lårdomens och Dygdenes wåg. Denna tidiga förlust,
som tycktes aldeles störa min wålförd, har igenom **MIN**
HULDESTA MODERS omvärdnad och sorgfällighet wa-
rit för mig mindre kännbar. Huru jag gjordt mig wår-
dig til alla **MIN HULDESTA MODERS** wålgjerningar,
det skal framtiden i synnerhet utvisa. Swarar fram-
gången emot mitt beständiga nit at vara tacksam, lärer
min årkjänsla aldrig kunna dragas i twifwelsmål. I-
mellertid och til en början må denna Afhandling, som åt
MIN HULDESTA MODER jag nu upoffrar, witna om
den beständiga wördnad, hvarmed, under all fälhets til-
ränskan, jag har åran at til sidsta lefnadsstunden fram-
härda

MIN HULDESTA MODERS

Ödmjuk-lydigste Son
ABR. ER. ARCKENHOLTZ,



§. I.

Est ea hominum pectoribus insita atque congenita
indoles, ut in libertatem, quam bruta etjam ani-
mantia magnopere desiderant, tamquam in præci-
puum quoddam Divinæ Indulgentiæ munus, & quo ni-
hil generi humano carius in his terris datur, quam ma-
xime propendeant, adeo ut non præter rationem ceci-
nisse videatur Poëta: *Aurea libertas toto non venditur au-
ro.* Erret in horridis tesquis atque profundis silvis Scy-
tha, destituantur plerisque adminiculis, quæ ad corpus si-
ve nutriendum sive tegendum pertinent; libertate tamen
sua ferox, sece illis feliciorem censem, qui Attalicas pos-
sident opes & marmoreas habitant ædes, dum sui juris
penitus non sunt, sed alius imperio subjecti, hujus legi-
bus convenienter vivere tenentur. Fallitur autem Scy-
tha, fallunturque singuli, qui eadem oberfant chorda, &
umbram pro corpore, atque nubem pro Junone ample-
ctuntur. Libertatem quidem mentiuntur licentia atque
ignave otium, in quibus summum libertatis gradum po-
nunt nonnulli, sed quæ tamen toto, uti dicitur, cælo ab
illa differunt. Illa enim est adminiculum promovendæ
felicitatis, hæc suos corrumpunt alumnos & in barathrum
infelicitatis ipsos præcipitant: illa hominem permoveret,
ut placidæ rationis sequatur decreta, ut quod sibi opti-
mum sit, eligat, hæc rationis lucem obnubilant, adeo-

que in causa sunt, quare licentiae œstro perciti, æquitatis limites transgredi non dubitant, non tam anquirentes, quid liceat, quam potius quid in quovis vitæ articulo libeat. Ponunt iniqui hi rerum aestimatores libertatem in eo, quod homo ex arbitrio & sub spe impunitatis possit patrare tam malum, quam bonum; sed eximia hæc, quam sibi fingunt hi, potentia reapse est mea impotentia, quippe quem DEUS, qui ex omnium confessione est Ens liberrimum, non tamen per esse entiam suam sanctitatem aliud facere potest, quam quod bonum sit.

§. II.

Juvat autem, antequam longius progredimur, libertatis indolem paullo plenius exponere. Ex communi loquendi usu libertas est facultas agendi ea, quæ quisque vult, sine necessitate quadam agendi contraria: Voluntas autem est facultas animæ agendi id, quod nobis atque statui nostro convenientissimum, adeoque optimum habetur, saltem ipso deliberationis momento. Hinc enata est definitio Philosophica libertatis, quod sit facultas ex pluribus propositis ac distincte cognitis objectis contingentibus, sponte eligendi id, quod optimum censetur. Ex qua statim appareret, quod quamvis latissime pateant libertatis pomœria, eadē tamen non sint indefinita, sed quod libertas sphæra bonorum eligendorum nunquam egredi debeat; adeoque si quid ultra sibi permittat, libertatis nomen & omen tueri amplius nequeat. Necessarium autem non est impræsentiarum inquirere, in quantum facultas hæc dependeat a judicio nostro, vel quomodo affectionem voluntatis nostræ constituat, sufficiat monuisse, quod de libertatis nostræ præstantia nihil decedat, quin potius ipsa habeatur tanto perfectior, quanto



to adcuratiores sumus in vero bono eligendo, & quo pressius sanæ rationis ductum in actionibus nostris sequamur. Communi autem mortalium vitio fit, ut quo quid in se fuerit præstantius munus, eo etiam cautius eodem uti debeamus, ne beneficam suam vim sensim amittat; id quod præcipue valet de libertate, cuius sobrius usus quantum valet ad felicitatem nostram promovendam, tantam ejusdem abusus suis cultoribus accelerat perniciem. Sed experientia comprobat, quod quotiescunque placidæ rationis lumen sequimur, vix aliter fieri possit, quam ut ea nobis procuremus, quæ nobis reapse conducunt; quare cum libertas consistat in facultate ex pluribus propositis objectis sponte eligendi optimum; homo quoque eatenus censetur liber, quatenus rationis sanæ ductum sequitur. Tunc enim se ipsum in actionibus suscipiendis determinat: ipse est, qui sponte eligit, & sui est juris, siquidem ea facit, quæ vult, & quæ distincte cognovit sibi profutura; dum e contrario is, qui svariis adfectuum lenociniis sese abripi patitur, verum bonum ab apparente discernere non valet. Huic enim veluti glaucoma menti obicitur, quo ideæ confunduntur, passionesque tanto vehementius ipsum exagitant, quanto minorem iplis a ratione adjutus opponit vim. Quamobrem ambitiosi, avari & voluptuosí revera sunt adfectuum & passionum suarum mancipia, qui nunquam sunt experti, quod rationi parere summa sit libertas; in quos proinde quadrat concinnum illud TACITI effatum: *Incerti, solutique & magis sine domino, quam in libertate.*

§. III.

Enimvero quum primi mortalium experientia frequenti nimis ac tristi didicissent, quam facilis esset liber-

tatis abusus, & quot quantaque hinc incommoda, quæ tranquillitatem ac felicitatem eorum turbabant, existent, malis his ingravescientibus non firmius opponi posse repugnatum animadverterunt, quam si in Societates coirent, easdemque certis & ad salutem communem conducentibus legibus firmarent. Leges autem sunt præcepta Imperantis, civibus præscripta, de agendis vel fuciendis. Ipalrum igitur auctoritas non est jugum quoddam, quod cives premit, sed idonea cynosura, quæ ipsos in ambiguis vitæ articulis regit, & simul munimentum, quod probos contra malevolos defendit: immo in ipsis elucet cura paterna, quæ obseruantiam legum a civibus postular, ut eos ipso actu felices reddat. Quantumvis enim per se pretiosa sit libertas, ipsa tamen in licentiam, generi humano & cuivis Societati exitiosam facile degenerat, nisi ejusdem ulus certis regulis fuerit adstrictus. In legibus inveniunt cives tum monita felicitatis, qualia placida dictitat ratio, tum convenientes poenæ, quæ legum transgressores certo certius manent. Tantum igitur abest, ut justus legum rigor civium facultatem agendi imminuat, ut potius eandem dextre augeat: leges enim institutæ, ut præveniantur ac puniantur emergentia vitia, plenam libertatem exercendi virtutem, quæ proprium hominis bonum est, civibus relinquent; conservant igitur nobis vim veræ libertatis & ejusdem pretium, adeo ut stationi, ad quam Divina nos vocavit providentia, rite vacare possimus. Verbo: qui promptam legibus obedientiam præstat, non est legum mancipium, sed a turbulentio affectuum suorum domino liberrimus.

§. IV.

Evoluta haec tenus libertatis, generaliter spectatae, indeole, ostensioque intimo ejusdem cum legibus nexus, proximum

ximum est, ut naturam libertatis civilis specialius tradamus. Hac autem libertas non consistit in quadam *independencia actionum* ab alterius decreto, nec in quadam *immunitate a nexu omnium obligationum* respectu aliorum hominum, quæ facultates in & per se inutiles, cessabunt omnino in Societatibus, quæ absque ordinis observantia consistere non possunt, nec in *facultate ad alias terras suos transferendi penates*, quando Patria huic vel illi civi quacunque de causa fordeat. Nec libertatem modo memoratam absolvit vel *Liberum veto*, quali privilegio olim gavisi sunt Romani & eodem etiamnum fero- ciunt Poloni, qui tamen ex omnibus Europæ populis forte omnium minime sunt re ipsa liberi, vel *Insurrectio* (a) sed facultas contra Magistratus pro re nata inturgen- di, ipsoisque e muneribus dejiciendi, quam potestatem si- bi arrogarunt olim Cretenses, & a qua parum abludit illud privilegium, quod sibi sub nomine *Rokos* tribuunt Sarmatæ hodierni, nec *Potestas suam publicis scriptis de- clarandi sententiam* de modo, quo res publica tam ad- ministratur, quam rite administranda foret; qua sese felices existimant Angli, nec in *moderamine paenarum ci- vilium*, quippe quod dependet partim ex indole ac ju- dicio Imperantis, partim ex moribus civium regen- dorum (b); quippe quæ singula momenta essentiam li- bertatis civilis non ingreduntur, sed ad ejusdem vel abusum vel accidentalia sunt referenda. Possunt enim cives sub imperio Principis æqui ac justi de libertate ci- vili in sinu sibi gratulari, quamvis neutra prærogativa- rum modo memoratarum fruantur: Sæpe etiam præsi- dia ista impedire non possunt ferocem Principem, quin sua potestate impotenter admodum utatur. Libertas igitur Civilis consistit potissimum in facultate, qua quivis gaudet civis, agendi ea omnia, quæ felicitati publicæ & huic innexæ privatæ sunt conformia, nec unquam ob-

stringatur ad ea fulcienda, quæ his sunt contraria (c). Ut specialius quid dicam, ad libertatem civilem pertinet cum *Tutela*, quam leges in præmium obedientiae præstant contra eos, qui injusto modo aliquem aggreduntur, tum *secura possessio bonorum legitime partorum*, tum denique ut illi, qui deliquerint, ex tenore legum cognitarum, non ex solo Principis arbitrio, cuius intervenientes affectus fas & æquum pervertere possent, judicari queant ac debeant. *Servitus* igitur *Civilis* consistit in momentis, quæ allatis jam prærogativis sunt e diametro opposita, non autem vel in simplici abusu summae potestatis vel in defectibus quibusdam formæ imperii, quippe qui incidentes casus primævam regiminis constitucionem non immutant.

(a) Utitur hoc termino Illustris MONTESQUIEU dans l' *Esprit des Loix* Livr. VIII Chap. XI. Une partie des citoyens se soulevoit, mettoit en fuite les Magistrats, & les obligeoit de rentrer dans la condition privée. (b) Auctor modo nominatus Libr. VI. Cap. XV. deducit indolem pœnarum civilium ab indole & constitutione imperii, quæ tamen sententia sibi minus constare videtur. (c) Egregie in hanc rem differit Illustris MONTESQUIEU Livr. XI. Chap. III. La liberté Politique ne consiste point à faire ce que l'on veut. Dans un état, c'est à dire, dans une Société où il y a des Loix, la liberté ne peut consister qu'à pouvoir faire ce que l'on doit vouloir, & à n'être point constraint de faire ce que l'on ne doit pas vouloir. Il faut se mettre dans l'esprit ce que c'est que l'independance & ce que c'est que la liberté. La liberté est le droit de faire tout ce que les Loix permettent; & si un citoyen pouvoient faire ce qu'elles défendent, il n'aurait plus de liberté, parce que les autres auroient tout de même ce pouvoir.

§. V.

Sicut iusta disciplina comprimit congenita vitia, ut in desuetudinem sensum abeant, facisque adeo, ut dotes tam animae quam corporis excellentiori modo in nostram utilitatem sele exserant; ita quoque leges civiles, ceu mox ostendimus, præstantissimum libertatis munus quasi subliment, ut salutiferos ejusdem fructus tanto securius degustare possimus. Explodenda igitur est illa opinio, inde ab antiquissimis retro temporibus etiam inter Eruditos quosdam recepta, quod homines, sub imperio civili degentes, libertatis naturalis jaeturam penitus fecerint, civilem libertatem pro nulla habentes. Quicquid enim hi Scioli de libertate ac servitute Politica sunt commentarii, ad vanas pertinet declamationes, in quibus nonnihil ingenii, sed nihil vel parum rationis continetur. Libertati enim talem adstringunt notionem, quæ solummodo est imaginaria, quippe qualem pro præsenti societatum indole obtinere non posunt homines, &c. si obtinerent, ipsa fruitione omnium infelicissimi evaderent. Vellent enim omnia promiscue omnibus licita essent, sed pravitas humana ita cristas suas erigeret, adeoque cum felicitate civili ac temporali ita actum esset, ut ne umbra quidem ejus amplius superesset. Habent etiamnum homines, sub imperio degentes, tantum libertatis, quantum felicitatis ipsorum ratio postulet; deposuerunt autem residuum, quod habere non debebant. Durum tamen esse contendunt, alieno premi jugo. Fateor omnino; sed heic optimo instituto invidiōsum prætenditur nomen. Commendant independētiā, veluti *ānum* libertatis; immemores plane, uti videtur, quod excessus libertatis sit licentia, & quod omnis licentia sit corruptio ac pestis libertatis. Sublatum etiam volunt nexum obligationum, ut libertati inimicum,

cum, qua correpti sunt vertigine non perspicientes, quod Principes, etiam potestate maxime absoluta gaudentes ac proinde liberrimi, sint obligati ad salutem civium suorum promovendam, & a suis dependeant civibus in eundem ferme modum, quo Patres familiarum a suis dependent domesticis.

§. VI.

Multorum animos jam pridem occupavit præjudicium: quod quo quid antiquius, eo etiam idem foret præstantius. Atque hi sunt, qui antiquas Orbis resplicas, Græcas imprimis & Romanam, in exemplum libertatis ac felicitatis civilis proponunt. Enimvero valet heic, quod olim cecinit PROPERTIUS: *Omnia post obitum fingit majora vetustas (a).* Ipsa enim docet Historia, quod in liberis hisce rebuspublicis cives omnium minime liberi nonnunquam fuerint. Sic summa Imperii Atheniensis residebat, ceu notum est, apud populum. Qualis autem populus? Respondet Livius: *qui aut servit humiliter, aut superbe dominatur; libertatem vero, quæ media est, nec spernere modice, nec habere novit (b).* Quare ANACHARSIS de Republica Atheniensium disere solebat, *quod in concionibus eorum sapientes quidem sententiam dicerent, insipientes autem decernerent (c).* Quoties igitur libertati periculum ab hostibus imminiebat, toties ad stuporem usque vicinarum gentium sese defendebant Athenienses, faltem primis Reipublicæ temporibus, dum ad recentia tyrannidis vestigia exhorrescerent. Periculo autem feliciter depulso, & reddita penatibus pace, libertatem flocci faciebant, ut effrenæ sese traderent licentiæ, nullumque fere scelerum ac flagitiorum fuit genus, quod non ferociter commiserunt. Quamobrem non ita admiremur Atheniensium vel

vel fortitudinem in pugnis Marathonia & Salaminia, vel magnificientiam in ædibus, vel pompam in spectaculis, ut non, transversum saltum, intueamur frivolam eorum licentiam in conventibus publicis, factiones, quibus ci-
vies continuo distinebantur, seditiones gravissimas, quas in sinu Patriæ iterum iterumque excitabant, viros denique probos & optimie meritos per molimina Oratoris diserti, sed turbulenti, injusti & patem non ferentis, in exilium pulsos. In republica etiam Spartana fuit adeo rigida ac circumscripta disciplina, ut Leges Lacedæmoniarum non a benigno Legislatore civibus latæ, sed a moroso quodam Philosopho inimicæ genti videantur obtrusæ; quare aliae nationes mori potius, quam in potestatem Lacedæmoniorum venire voluerunt: immo ipsi Spartani, non domi, sed inter belli strepitus particula quadam libertatis sunt gavisi. Quum Romani, expulsis Regibus, liberari regiminis formam instituere decrevisserint, flagitante hanc populo, prudentioribus placuit consilium, quod Regiam Majestatem non tam imminuit, inducto consulatu, quam potius annuam fecit. Ceterum vix in alia, quam in Romana republica tot frequentes inter diversos civium ordines occurruunt concussions, tamque graves civium oppressiones ac vexationes; adeo ut Romani, feroce illi orbis Universi Domini, sæpe ad incitas fuerint redacti, atque a turpissimorum mancipiorum sorte parum abfuerint. Si recentius grande quoddam exemplum libertatis, a libera civitate exulan-
tis, quis desideret, adeat rempublicam Venetorum, qui suam patriam, ut genuinam libertatis civilis sedem jactitant, & tamen, ut Historia ac multiplex docet experien-
tia, adeo parum sunt liberi, ut inde ab Principibus ci-
vitatis usque ad infimam plebem nemo sit, qui non propter imprudens dictum ac frivolas suspiciones, sæpe in-
dicta & non cognita capssa, vita priuari possit. Bene i-

) 10 (B

gitur observat Illustris MONTESQUIEU : Il pourra arriver que la constitution sera libre, & que le citoyen ne le sera point. Le citoyen pourra étre libre, & la constitution ne l' étre pas. Dans ces cas, la constitution sera libre de droit & non pas de fait: le citoyen sera libre de fait & non pas de droit (d).

(a) *Vid. Libr. 3. Eleg. I.* (b) *Vid. Histor. Roman. Libr. XXIV: 25.* (c) *Confr. Alexand. ab Alex. Libr. IV. Gen. D. Cap. II.* (d) *Vid. L^e Esprit des Loix Tom. II. Livr. XII. chap. I.*

§. VII.

Quamvis Principatus atque libertas videantur res pa-
rum sociabiles esse, re tamen ipsa & per naturam impe-
rii civilis simul consistere & possunt & debent. Non
sermo nobis nunc est de larvis illis libertatis, quibus
populo Romano quondam illudebant priui Imperatores,
qui simulacra quædam potestatis feroci populo relin-
quendo, vincula servitutis ejusdem tanto arctius con-
stringebant, quanto magis eadem laxare videbantur. Pro-
fecto nihil omnino impedit, quin sub Imperio etiam Mo-
narchico, libertas civilis, quallem antea definivimus, &
quæ æqualiter distat hinc a tyrannide, inde ab Anarchia,
inveniatur ac vigeat. Quum enim Monarcha felicitatem
civium, ut unicūm suam gloriam promovendi medium,
sibi habeat propositam, non potest non tueri & graia
complecti cives, qui legibus latissimè convenienter vitam suam
instituunt, secus enim si fiat, si bene meritos exag-
itet, innocentes opprimat & civium facultates tributis ex-
hauriat, imperium non amplius est Monarchicum, sed
tyrannis. Contendunt quidem nonnulli, quod in rebus
publicis cives tantummodo dependeant a legibus a se la-
tis;

)) ii ((
tis; sed quæ sententia mente cassa esse videtur. Ipsæ enim leges, ne vanæ sint, exsecutioni dabuntur; sed quum hoc per se ipsas præstare nequeant, homines hanc operam iōsis præstabunt: Enimvero quum homines suos patiantur manes & nemo sit, qui adfectibus suis aliquando non cedat, igitur sive uni sive pluribus administratio imperii sit demandata, abusus summae potestatis in utroque casu erit metuendus. Omnium igitur temporum Historia docet, quod tyranni & que extiterint in imperiis Democratico & Aristocratico, ac in Monarchico. Qui ad honores adspicunt, quorum arbiter ac distributor est populus, non prensationibus nec viscerationibus aut munieribus parcent, indigna multa & vix a servis toleranda, a feroci populo perperientur, ut votorum fiant compotes. Spontaneam subeunt servitutem, ut ad gradum dignitatis perveniant, a quo aura popularis, qua nihil mobilius, opinione citius ipsos dejicit, & in contemptus ac miseriaram barathrum præcipitat. Idem valet de imperio Aristocratico. Cives igitur in quacunque regimini Forma, quæ legibus coalescit, libertate gaudent, nam in singulis obligati sunt ad morem legibus, & his manifestæ Principis voluntari gerendum, qua ratione de tranquillitate & libertate civili in sinu sibi gratulari possunt. Nocio igitur, quam liberis civitatibus tribuebant veteres, per quas talem intelligebant imperii constitutionem, in qua cives tantum dependent a suis legibus, & in qua Magistratus arbitraria auctoritas exsulat, est tantummodo idealis, non realis. Græci libertatem suam, ut patrimonium & privilegium, quo ab Asiaticis populis distinguebantur, respiciebant; quare continuas contra imperium Regium habuerunt declamationes. Sed quum vix aliam Regiam potestarem, quam Magni, ut dicebatur, Regis Persarum, quæ absolutus fuit Despotismus, libertati civili inimicus, cognoscerent; haud mirum est,



si fortē suam felicem, Asiaticorum contra infelicissimam
judicarent, seque liberos, hos autem etiam natura servos
vocarent. Similiter Tarquiniorum tyrannis & adstutia
Bruti, qui favum libertatis civibus suis propinabat, in-
visam adeo reddiderunt Regiam potestatem, ut ne no-
men quidem Regium ferre potuerint. Liberos igitur se-
se putabant Quirites, quamdiu Regis titulus & insignia
e civitate abessent, licet interea Dictatores, Triumviri
& Imperatores longe majorem in ipsos exercecerent pote-
statem, graviusque eos opprimerent, quam Reges eo-
cum pridem fecissent. Ex quibus apparet, quod tanto-
pere celebrata libertas civilis Græcorum & Romanorum
magis speciosa, quam vera fuerit, egregieque fallat &
fallatur Aristoteles (a), quando Imperium Democraticum,
libertatem civilem intendere docet: Libertas enim civi-
lis non tam a scripta Constitutione publica, quam ab
exercitio summæ potestatis dependet, & quum unus æ-
que moderate, ac plures, in imperii administratione se-
se gerere queat, libertas quoque civilis in qualibet Re-
giminis forma, Despotismo excepto, consistere potest.

(a) Vid. Polit. Libr. VI. Cap. 2.

S. D. G.

